


天文管窺輯要

六十四之六



漢書門			
九	二	九	類
七	二	二	號
三	四	二	架
三	四	二	冊

內閣文庫		
三	九	漢
五	六	書
函	二	
二	四	
二	二	
架	冊	類

內閣文庫	
番號	漢 9629
冊數	24 (21)
函號	305 261



管窺輯要卷之六十四

安黃 鼎玉耳父纂定

淺草文庫

男九命簡臣

侄九錫公位


九疇倫叙

九如眉介

侄孫珮琢成

珂先鳴

桐城方兆及子詒全閱



十二時


天星禽書秘旨



巳卯且不用卯時



甲午日不用午時



甲子日不用子時



巳酉日不用酉時





庚寅

正月小

初一丙寅火胃

二月小

初一乙未金昴

三月大

初一甲子金畢

四月小

初一甲午金參

五月大

初一癸亥水井

六月小

初一癸巳水柳

七月大

初一壬戌水星

八月大

初一壬辰水龔

九月小

初一壬戌水角

十月大

初一辛卯木亢

十一月大

初一辛酉木房

十二月小

初一辛卯木尾

六十日

甲子日金陽

開門得天輔生无吉向東北方出兵大勝

乙丑日金陰

開門得天輔顯星向東北方出兵行船吉

丙寅日火陽

休門犯天蠱死星此日不可用凶

丁卯日火陰

火星天害血光星照此日不可出軍

戊辰日木陽

五明黃道傳星此日出兵有財

巳巳日木陰

天輔天台月德生蒸出兵得勝

庚午日土陽

天休死氣天刑此日出兵主凶

辛未日土陰

天福月台此日向北出兵大吉

壬申日金陽

天休天哭此日出軍主軍士哭泣疾傷不宜

癸酉日金陰

天火血刃芒神出征主兵逢蛇虎傷殘凶

甲戌日火陽

顯星黃道月合出軍向東方得功大財

乙亥日火陰

玉堂金星聖心向東方出兵賊敗我勝大吉

後支干缺註

丙子水陽 丁丑水陰 戊寅土陽 巳卯土陰

庚辰金陽 辛巳金陰 壬午木陽 癸未木陰

甲申水陽 乙酉水陰 丙戌土陽 丁亥土陰

戊子火陽 巳丑火陰 庚寅木陽 辛卯木陰

壬辰水陽 癸巳水陰 甲午金陽 乙未金陰

丙申火陽 丁酉火陰 戊戌木陽 巳亥木陰

庚子土陽 辛丑土陰 壬寅金陽 癸卯金陰

甲辰火陽 乙巳火陰 丙午水陽 丁未水陰

戊申土陽 巳酉土陰 庚戌金陽 辛亥金陰

壬子木陽

癸丑木陰

甲寅水陽

乙卯水陰

丙辰土陽

丁巳土陰

戊午火陽

己未火陰

庚申木陽

辛酉木陰

壬戌水陽

癸亥水陰

定寅時歌

西火刻

火火木刻

丁未木刻

禽師但要時真用禽有應驗

正九五更二點徹

二八五更四點歇

三七平先是寅時

四六日出寅無別

五月日高三丈地

十與十二四更

仲冬纔到四更初

此是寅時真妙訣

正月日出卯八刻

日入酉一刻

二月日出卯四刻

日入酉三刻

三月日出卯三刻

日入酉五刻

四月日出卯初刻

日入酉八刻

五月日出寅七刻

日入酉一刻

六月日出寅七刻

日入戌一刻

七月日出卯初刻

日入酉八刻

八月日出卯三刻

日入酉五刻

時刻出入

九月日出卯五刻 日入酉三刻

十月日出卯八刻 日入酉初刻

十一月日出辰一刻 日入酉七刻

十二月日出辰一刻 日入申七刻

小滿日出寅七刻 日入酉五刻

小雪日出辰一刻 日入申八刻

二十八宿

角木蛟直日陰塵氣上必須巳酉還生春天有霧
冬還雪秋夏炎暄霞火形

主將黃公政

李真

亢金龍直日有飛沙并走石夏冬逢此日輝庭春

天大風半陰半晴秋露遮天路客驚

王常

氏土貉直日春天陰雨風大惡夏天泥濘天色昏

昧晴更看卯寅霞霧起秋冬半雨半晴

丘武

房日兔直日春天陰雨大夏天有雨天色昏昧晴

更看卯寅有霞霧起秋冬半雨半晴

封軍

心月狐直日必天陰雨有風春夏泥濘天色昏昧
晴更看寅卯霞霧起秋冬半陰半晴

趙隆

尾火虎直日東南春夏天陰泥濘昏昧要晴看寅
卯霞霧起秋冬半陰半晴

周雲

箕水豹直日春夏濛濛細雨輕天有風色巳前晴
明更聽群鴉聲噪秋冬柴薪貴似銀

文相

斗木豸直日春夏陰雨晴明看巳前更聽群鳥聲
噪冬炭柴薪貴似銀

郭海

主將歐陽希節
牛金牛直日春天有風半陰半晴夏秋風起勢如
顛春冬若值須便雨辰酉時中必定晴

胡英

女土蝠直日須知平半雨夏秋風勢如顛春冬若
直須便雨辰酉時中還要晴

何佑

虛日鼠直日有大風起春日秋天雨不成若直夏
冬天氣轉直順三日始天晴

危車

危月燕直日還早大風起春日秋天雨不成若直
夏冬天氣轉直順三日始天晴

田立危

室火猪直日多風雨春夏逢之早晚晴坤艮秋冬
霞霧上飄飄雨下便難晴

荷元

壁水獮直日多風雨春夏逢之早晚晴坤艮秋冬
霞霧上飄飄雨下便難晴

龍王

奎木狼直日霞霧起若逢春夏還晴東西更若生
輕霧必主天陰雨又晴

主將王珣忠

謝月

婁金狗直日有風雨生凍冷正冬聚雪作風生雨
收霞氣大如掌車馬行人莫住停

唐文

胃土雉直日春天大風雨正冬聚雪作風生凍冷
雨收雲散大如掌車馬行人莫住停

伍交

昴日雞直日天氣轉日間平靜夜逢星風從旦暮
夏秋雨春雪冬天又作陰

鄭昌

畢月烏直日日間平靜夜間星風從旦暮夏秋雨
春雪冬天又作陰

陳旺

觜火猴直日大風雨風起朝東並見晴春夏濛濛
細雨傾秋冬還見有陰刑

霹太

參水猿直日大風起風起朝東並見晴春夏濛濛
細不濕秋冬要見有陰刑

宋真

井木犴直日遇有風雨風起朝東要晴春夏微微
有細雨秋冬還見雨陰陰

鬼金羊直日濛濛霧起巳前辰後雨陰陰春正夏
午休離傘冬雨秋晴切忌心

徐貫

槐童

柳土獐直日濛濛霧氣起巳前辰後雨陰刑春正
夏午休離傘冬雨秋晴切忌心

張本

星日馬直日天氣轉卯前霞上未時晴秋冬若遇
半日雨春夏逢之月朗明

周貴

張月鹿直日風雨并大熱午前雲迷太陽程更觀
未向生黑氣雨雪秋冬春夏陰

董午

翼火蛇直日有風雨大熱午前雲迷太陽心更觀
未向生黑霧雨雪秋冬春夏陰

吉善

軫水蚓直日陰氣上必須巳酉還生春天有霧冬
有雪秋夏炎暄霞火形

呂鳳

出行吉日

甲子 乙丑 丙寅 丁卯 庚午 辛未

甲戌 乙亥 丙子 丁丑 巳卯 甲申 丙戌

庚寅 辛卯 甲午 庚子 辛丑 壬寅

癸卯 丙午 丁未 巳酉 癸丑 甲寅

乙卯 庚申 滿成開日

二十八宿裁衣吉日

角 安穩 亢 得食 氏 親友 房 益衣 心 盜賊 尾 必壞

箕 得病 斗 美味 牛 進喜 女 得病 虛 得糧 危 遭毒

室 水厄 壁 獲寶 奎 得財 婁 增壽 胃 減服 昴 燒火

畢 多事 觜 鼠咬 參 逢盜 井 相分 鬼 吉祥 柳 喪服

星 喪服 張 逢喜 翼 得財 軫 失火

求財吉宿

亢 氏 房 箕 牛 危 婁 胃 參 井

鬼 星 二 日 十二 日 三 日

出軍不用此八宿

角 亢 奎 婁 斗 牛 禽 出軍定是不回兵

井鬼出陣定亡身

百事大忌不用十二日

正月十三日

二月十二日

三月初九日

四月初七日

五月初五日

六月初三日

七月初七日

八月廿八日

九月初三日

十月廿一日

十一月十九日

十二月十七日

忌探人疾病不用此六日

壬寅日

壬午日

庚午日

甲寅日

乙卯日

乙卯日

神仙雷下此大日

探人疾病代人亡

排山掌訣逐日加時人

四孟日出軍大吉

甲巳日

寅申時一人當百人

巳時一人當十人

午未戌亥時主敗

乙庚日

申時一人當十八人

亥時一人當十五人

乙日忌辰巳時凶

庚日忌子時凶

丙日

寅時一人當二十人 申時一人當百人

辛日

巳時一人當二十人

丁壬日

巳時一人當十五人

忌卯時凶

戊癸日

午時一人當廿五人

忌子卯酉時凶

四仲日出軍大吉

甲巳日

子申時一人當十五人

乙庚日

丑時一人當十五人

丙辛日

未時一人當十人

丁壬日

巳時一人當十五人

戊癸日

一人當二十人

一人當十五人

午時一人當二十人 辰時一人當十五人

四季日出軍大吉

甲巳日

卯時一人當十四人

乙庚日

卯時一人當十五人

丙辛日

子時一人當三十人

丁壬日

申時一人當五十人

戊癸日

午時一人當二十人

孟仲季二十四候

正月孟 立春 雨水

二月仲 驚蟄 春分

三月季 清明 穀雨

四月孟 立夏 小滿

五月仲 芒種 夏至

六月季

小暑

大暑

七月孟

立秋

處暑

八月仲

白露

秋分

九月季

寒露

霜降

十月孟

立冬

小雪

十一月仲 中季 二十 大雪

冬至

十二月季 一 人當 二 小寒

大寒

演武

宜天月二德兵福兵寶兵吉黃道

戌開日

比試

宜黃道上官天祐恩勝成勳普護福生天馬驛

馬日前二條俱忌六不成十惡無祿大敗

出師

與攻戰同

宜辛丑丙寅庚子丁卯庚戌丁酉甲午乙丑丁

丑兵寶兵吉成勳天德月德合普護日

班師

宜平定成收開旺日及黃道成勳恩勝要守成

天祐天恩天月二德日

攻取城寨

宜巳亥丙寅乙巳甲子甲戌乙未庚戌乙亥巳
丑兵吉兵寶除執日前三條俱要忌伐日入專
猖鬼敗亡五不歸八絕十惡大敗危日及往亡
日不用

嫁娶一切等事詳禽使用

氏房心尾亢修造 奎婁室壁好婚姻

井鬼柳星宜造 張參營運出行欣

尾箕斗牛危虛 修造安墳福祿

胃角觜參昴畢翼 作事難成有哭聲

論禽中使用

天上星辰須要知 翼角亢星星尾箕

用兵捕捉皆獲得 不怕登山涉路岐

若用猪羊並剽類 未行百步被人欺

畢昴參觜角井宿 嫁娶遠行定不歸

氏房女危亢心宿 陞官赴任好施為

翼婁危軫牛張宿 行人路上笑嘻嘻

論鶴神所忌方日吉凶

壬辰癸巳上天堂凶 巳酉還歸西北方

乙卯正東居五日 庚申却入與宮藏

丙午離位磨金甲 辛未西南望故鄉

壬午走臨西北方 戊子正北四日強

丁丑又來正西位 鶴神遊處有凶殃

在天宮吉忌登高宜捕獵可向地其日所在之處忌造作安葬修宅移居嫁娶出行

上宮修營損六畜及血財此六日不可犯犯者大凶敗

戊子壬子與乙卯 辛巳巳巳及巳酉

所為若犯主大凶 凡人忌之免災危

五不歸日 庚申庚辰與壬辰

庚申庚辰與壬辰 巳卯壬子丙辰真

丙戌巳酉加辛亥 丙申庚辰辛巳旬

若逢十二時辰用 去辭兄弟及雙親

上官日 正二三月忌子午申戌亥日

四月忌子丑申戌亥日

四月忌子丑申戌亥日

五六月忌子丑寅申辰日

七月忌寅辰午未日

八月九月忌寅辰巳午未日

十月忌未酉戌日

十一月忌未巳申酉戌日

十二月忌巳未申酉日

六害日 又名四大煞 又名四季暗曜

忌禽詩

春逢箕宿不堪提

夏遇軫星是可疑

秋忌參禽來入穴 禽言冬愁壁獸是危時

出軍忌日

正月初六日 二月初七日 三月初八日

四月初九日 五月初十日 六月十一日

七月十二日 八月十三日 九月十四日

十月十五日 十一月十六日 十二月十七日

禽中月家犯長短星

寅土休逢女與牛

卯逢室壁最為仇

辰怕觜參為切骨

巳行鬼柳實堪憂

午忌虛危常見賊 未月尾箕一場愁

申上畢須防忌 酉嫌亢角鬧啾啾

戌日氏房須忌犬 亥怕奎婁所事休

子忌張星丑忌午日 凡夫容易不知由

推戰法 八月十三日 九月十四日

但將日宿定施為 且從子推來至戰時

日為他人時為我 仔細推詳合取之

山外有禽星加得地 城中安穩外軍危

伏天禽不可用 忌禽詩

欲識天禽忌惡星 猪猴蛇蚓事難明

心狐怕見箕水豹 萬事施為總不成

又

虛星女宿鬼金羊 所去求謀盡被傷

更遇壁軫當面坐 刑罰臨身見血光

忌星詩

凡遇星禽是忌星 莫言寅卯日堪行

頭曲傳星須是吉 天星不盡事皆成

又

管見得要 卷之六十四 三

用着猪羊怕蚓時

未行百步被人欺

自古仙人真口訣

流傳莫要泄天機

以上五詩說禽不可用最凶

日食時禽

日食時禽須見面

時食日禽難抵當

猪見狗來終惡死

牛逢虎到定遭傷

六甲旬逢

甲子旬中逢寅

甲戌旬中逢子

甲申旬中逢戌

甲午旬中逢申

甲辰旬中逢戌

甲寅旬中逢辰

紫微帝星用禽

中 乾 兌

艮

離

坎

坤

震

巽

太 元 真

紐 綱 紀

關 帝 尊

上元

甲子箕

甲戌女

甲申觜

甲午亢

甲辰空

甲寅鬼

中元

甲子心

甲戌婁

甲申張

甲午斗

甲辰畢

甲寅角

下元

甲子危

甲戌井

甲申房

甲午奎

甲辰星

甲寅箕

喜神吉方時

甲巳虎兔上

乙庚猪犬當

丙辛雞猴位

丁壬羊馬鄉

戊癸龍蛇地

喜神并吉方

天馬吉日

正七月午日

二八月申日

三九月戌日

十四月子日合五十一月辰日

六十二月辰日

將甲乙安寅卯上逆行不用子日二位

正丁二

坤宮

三壬四辛同

五

乾六

甲上

七癸八

艮逢

九丙十一位

子

巽巳

庚中

月德日方

正月在丙寅二月在申寅三月在壬寅四月在庚

五月在丙寅六月在甲寅七月在壬寅八月在庚

九月在丙寅十月在甲寅十一月在壬寅十二月在庚

六十甲子時例

甲子日寅時福星 卯時喜神 申時三合

乙丑日辰時天官 申時貴人 酉時帝旺

丙寅日寅時長生 午時三合 未時天開

丁卯日寅時驛馬 巳時天福 未時三合

戊辰日寅時天官 辰時國印 申時長生

己巳日寅時天福 卯時帝旺 辰時月仙

庚午日卯時天乙 辰時國印 申時長生

辛未日卯時三合 午時三合 申時天官

壬申日辰時三合 巳時三合 午時唐符

癸酉日卯時福星 辰時喜神 巳時三合

甲戌日寅時八祿 卯時六合 午時帝旺

乙亥日辰時天官 巳時驛馬 申時天乙

丙子日寅時福星 午時喜神 酉時天乙

丁丑日巳時六合 午時三合 未時喜神

戊寅日卯時貴人 未時天福 辰時月仙

己卯日寅時國印 卯時三合 未時天德

庚辰日辰時國印 巳時貴人 申時三合

辛巳日午時天乙 未時貴人 申時六合

壬午日辰時福星 巳時天乙 未時六合

癸未日卯時貴人 巳時天福 未時天乙

甲申日丑時天乙 寅時福星 辰時墓庫

乙酉日辰時六合 巳時三合 申時天乙

丙戌日寅時福星 卯時三合 辰時墓庫

丁亥日辰時墓福 巳時驛馬 申時天乙

戊子日寅時長生 巳時入祿 辰時天乙

己丑日子時三合 寅時長生 午時帝旺

庚寅日卯時帝旺 巳時六合 申時八鸞

辛卯日卯時貴人 午時天乙 未時三合

壬辰日子時帝旺 辰時天乙 巳時貴人

癸巳日卯時福星 辰時墓庫 巳時天福

甲午日子時福星 寅時三合 未時六合

乙未日子時天乙 丑時福星 戌時天乙

丙申日寅時福星 卯時帝旺 未時六合

丁酉日丑時唐符 辰時六合 巳時三合

戊戌日寅時福星 卯時天福 辰時貴人

己亥日寅時國印 卯時三合 未時三合

庚子日丑時六合 辰時三合 未時三合

辛丑日丑時六合 辰時三合 申時三合

壬寅日丑時貴人 巳時長生 午時三合

癸卯日寅時天乙 卯時福星 巳時驛馬

甲辰日丑時天乙 寅時八祿 未時貴人

乙巳日子時天乙 丑時三合 辰時天曹

丙午日寅時六合 午時貴人 未時六合

丁未日巳時驛馬 午時六合 未時喜神

戊申日寅時驛馬 卯時天福 辰時三合

巳酉日寅時天福 卯時貴人 辰時墓庫

庚戌日辰時天貴 巳時貴人 申時驛馬

辛亥日寅時天乙 卯時唐符 巳時天福

壬子日丑時三合 辰時福星 巳時天乙

癸丑日卯時帝旺 辰時喜神 午時官貴

甲寅日丑時貴人 寅時八祿 卯時喜神

乙卯日辰時墓庫 巳時驛馬 申時天福

丙辰日寅時驛馬 午時八祿 酉時天德

丁巳日丑時三合 辰時墓庫 午時八祿

戊午日卯時天乙 辰時喜神 午時帝旺

己未日寅時長生 卯時喜神 未時福星

庚申日丑時天乙 辰時三合 巳時六合

辛酉日卯時帝旺 午時天乙 未時官祿

壬戌日辰時天福 巳時天乙 午時三合

癸亥日卯時天福 辰時喜神 未時貴人

周天二十八宿禽

凡出兵鬪戰起手动用但向黃道月德吉方無不利先起手是日屬他人時屬我出入宜選方道先用日中八門後看時時禽八門并青龍華蓋十二

星吉凶方并破軍唐符國印五符方相合吉星若可從此方上出禽行軍便要禽中好落方道水中

禽用戌亥子行嶺上禽用丑寅卯行山崗用辰行郊野為未坤行路為戊坤日未為平田等地莫行

巳午為陽火申酉為刀砧又本禽方太歲方月建方曰煞方七殺方空亡方俱不可犯

禽中用事衰旺秘訣

捉賊 要禽尅本身禽

張捕 要本身尅他人吉如在近

爭戰 要本身禽高尅他人吉

逃閃 要自生自旺他人不尅本身

尋人 要日禽尅時禽吉

求財 要外禽食內禽則易獲食他人矣

見官 要禽星和合

詞訟 要日禽與氣將和含有食啗則必阻滯

無食啗則必已勝

出行 要本禽年與用時合

捕獵 要合煞

捉人 凶日要尾箕二時其人不敢聲 天禽吉

亦要貴人飛廉大煞

飛廉大煞

正月戌日 二月巳日 三月午日 四月未日

五月寅日 六月卯日 七月辰日 八月亥日

九月子日 十月丑日 十一月申日 十二月酉日

飛廉詩

春戌巳午禽遭故 夏未寅卯當其數



秋辰亥子作半途 冬丑申酉同一路

天羅地網

天羅地網日又名天番地覆時宮是天番對宮

正是地覆

正月寅巳 二月亥午 三月申未 四月巳申

五月寅酉 六月亥戌 七月申亥 八月巳子

九月寅丑 十月亥寅 十一月申卯 十二月巳辰

天獄凶日 正五九月子日 二六十月卯日

三七十一月午日 三四八十二月酉日

地獄凶日又名月厭即太歲堆黃煞

正月戌 二月酉 三月申 四月未

五月午 六月巳 七月辰 八月卯

九月寅 十月丑 十一月子 十二月亥

天地轉煞即四季旺日

春卯日 夏午日 秋酉日 冬子日

孤辰子日從戌上順行起子子丑日從亥上起

丑餘倣此

丑孤辰之宿忌必傷

旬中起日忌

更遇休門凶煞會照行出軍為將定遭殃

寡宿眠子日從辰土順行起子酉丑日從巳上順

行起丑餘倣此五日

楊公忌時逢日遇主凶

正一年十二月辰

每月十三卯

鬼哭日又名白虎百事皆忌

天瘟日日又各月相順大忌此黃曆

正月未 二月戌 三月辰 四月寅

五月午 六月子 七月酉 八月申

九月巳 十月亥 十一月丑 十二月卯

天雄日

正月戌 二月亥 三月子 四月丑

五月寅 六月卯 七月辰 八月巳

九月午 十月未 十一月申 十二月酉

鬼哭之日世間稀 十個陰陽九不知

造作犯之防宅長 婚姻嫁娶兩分離

疾病逢之身必死 安葬必定損嬰兒

犯着斷然真有應

十二年中兩忌期

六甲旬中空亡

甲子旬中空戌亥

甲戌旬中空申酉

甲申旬中空午未

甲午旬中空辰巳

甲辰旬中空寅卯

甲寅旬中空子丑

截路空亡

甲乙申酉最為愁

乙庚午午不須求

丙辛辰巳當門立

丁壬寅卯一場憂

戊癸子丑君須記

時值空亡萬事休

五鬼空亡

甲巳巳午實堪憂
甲日乙庚寅卯必然愁

丙辛子丑須當慮
丙日丁壬戌亥莫教遊

戊癸申酉君須記
戊日五鬼大敗空亡休

禽中金木水火土旬中空亡

甲子甲寅在土鄉

甲申見火大難當

甲戌原來金有犯

甲辰見水不為良

甲午旬中猶忌水

禽中遇此是空亡

四季空亡

春土

夏水

秋火

冬金

十惡大敗空亡忌水

禽中惡地最空守

甲辰乙巳與壬申

丙申丁亥及庚辰

戊戌癸亥加辛巳

巳丑原來十敗神

十惡大敗祿陷空亡時空守

甲辰日寅時乙巳日卯時大垂申日亥時

丁亥日午時寅辰日申時戊戌日巳時

癸亥日子時辛巳日酉時庚巳日午時

禽中大敗空亡時

春甲乙日不用午時

夏丙丁日不用申時

秋戊巳日不用巳時

冬庚辛日不用寅時

壬癸日不用丑時

壬癸食時遇申巳

禁定營門莫敢開

天禽值空亡方

角坤克申氏坤鄉

房昴心未尾丁場

箕丁斗辰牛午位

女辰虛位危丙當

室辰壁巳奎乙地

婁乙胃昴昴丁強

畢申觜寅參子上

井丑鬼癸柳辛良

星子張庚翼酉處

軫亥禽獸空亡方

天上空亡日與後退還伏斷日同名夾角煞

六日逢丁丑戊寅鄉

丁未戊申實不良

壬辰癸巳君須記

壬戌癸亥夫難當

四季天羅地網日

春季申酉 夏季亥子 秋季寅卯 冬季巳午

禽中天羅地網

甲戌乙亥號天羅

天上飛禽必受傷

甲辰乙巳為地網

地下走獸定天亡

空亡赤口日期

以月建順行起初一至辰戌為赤口亥卯未為

空亡

四季迷囚百事皆忌用之大凶

春季畢

夏季婁

秋季箕

冬季女

十隔日 出行捕獵求魚大忌

出行求官忌天隔

入山捕獵忌林隔

開地佈種忌地隔

祈福祭祀忌神隔

行船渡水忌水隔

詞訟見官忌州隔

正七月起寅

二八月起子

三九月起戌

五十一月起辛

四十月起申

六十二月起辰

假如正月從寅上起天隔順行十二支到未是山隔又如二八月子上起天隔順行十二支是地隔餘皆倣此

天入學求官

林出行捕獵

地種植安葬

神設齋求福

火窰冶爐鑄

山登山捕獵

鬼祭祀

人進以嫁娶

水開塘捕魚

州詞訟見官

凡遇此日皆不宜用

刀砧方

春月亥子方日

夏月寅卯方日

秋月巳午方日

冬月中酉方日

遁畜生開煞

春開辰戌夏申辰

秋主巳生更加寅

冬犬猪牛蛇頭上

此是開中大煞神

此關從戌上順年順月逆時中寅申巳亥是

春扁毛煞夏申亥 冬壬子土更賊實

此關從寅上順年順月逆時辰戌丑未是

春穩毛煞冬日 冬辰申酉亥日

四滅沒星 天上星辰凶最深

所謀百事費人心

尾箕角翼須迴避 若論鬪他閃自身

滅沒日 朔辰逢角望亢求

兩弦逢奎晦遇婁

盈斗虛鬼為滅沒 時人犯着一世休

四將不用時 甲子日不用子

巳卯日不用卯

甲午日不用午 巳酉日不用酉

四季不用星 春忌箕水豹

夏忌奎木狼

秋忌壁水獮 冬忌軫水蚓

四季禁忌星 春忌軫水蚓

夏忌角木蛟

秋忌參水獺

冬忌井木犴

四季惡毒星不宜用

春忌鶻箕水夏忌參軫

秋忌氏參水冬忌女壁

七元病禽水

夏忌奎木獺

一軫水蠅星二氏土貉

三室火猪 四虛日鼠

五鬼金羊水六畢月鳥

七張月鹿水酉心

生炁日方水用七

身炁日水用七

子日丑方水丑日寅方

寅日卯方 卯日辰方

辰日巳方水巳日午方

午日未方 未日申方

申日酉方水酉日戌方

戌日亥方 亥日子方

死氣日方

子日未方水丑日申方

寅日酉方 卯日戌方

辰日亥方水巳日午方

午日丑方 未日寅方

申日卯方水酉日辰方

戌日巳方 亥日午方

論旺墓方

日生寅旺午墓戌

月生申旺子墓辰

火生寅旺午墓戌

水生申旺子墓辰

木生亥旺卯墓未

金生巳旺酉墓丑

土生申旺子墓辰

月忌日

初五十四二十三

行船半江風浪起

天羅地網日

正五九月寅日

三七十一月巳日

猖鬼敗亡日

丁卯辛巳與壬辰

戊戌巳亥并辛丑

戊午庚申同壬戌

天上空亡又名截路空亡同前

四季伏斷日時

春季箕水豹

秋季參水猿

伏斷日時

子虛丑斗寅兼室

午角未張申忌兔

出路經求必折本

凡事逢之定遭殃

雷車伏斷日黃兼空

吹文氣其日也無

子畢月鳥起

丑上婁金狗起

退還伏斷日定方局

冬季想本德

又名退交日方又名陰錯陽差又名天上空亡

日又名角夾煞

丙子丁丑戊寅歌空丁辛卯壬辰癸巳多

丙午丁未戊申位

辛酉壬戌癸亥通

天上空亡夾角煞

陰錯陽差是退交

四季伏斷詩

春怕牛金牛

夏怕鬼金羊

秋怕婁金狗

冬怕亢金龍

入用事

甲戌壬子同居子

丁巳乙卯向于坤

甲寅戊午卯宮轉

庚丙子逢乾位行

巳癸卯往酉上去

丙壬午馬過辰宮

乙酉雞飛午上位

但將日脚對休門

四季旺禽訣

卷之六十四

庚

角亢虛危鬼虛房

春天旺相夏天昌

更加秋月行雲雨

冬月還須却伏藏

昂女柳氏室壁張

夏天旺相有傳揚

秋天解使人榮貴

冬月春初萬事防

換口蛇頭煞

庚午辛未并甲申

辛卯龍蛇乙巳輪

丙寅丁卯須大忌

嫁娶婚姻敗六親

起造埋葬須大忌

興工動土禍來侵

嫁娶二家殺宅長

官事口舌不離門

若人犯着此神殺木主無有一家不哭聲

論月方

正五九月坐東方

二六十月北方藏

三七十一月歸西兌

四八十二月南方強

興工動土須大忌

造作埋葬也須防

脚踏兩頭損人巳

若逢蛇尾七人當

若殺家長無七日

東隣西舍秦災殃

四季禽中旺氣

進氣

背氣

退氣

春 木為旺氣

土為進氣

火為背氣

金為退氣

夏

火為旺氣

金為進氣

木為背氣

水為退氣

秋

金為旺氣

木為進氣

土為背氣

水為退氣

冬

水為旺氣

火為進氣

金為背氣

土為退氣

五行相生

金生水 水生木 木生火 火生土 土生金

五行相尅

金尅木 木尅土 土尅水 水尅火 火尅金

論六親

生我者為父母

我生者為子孫

尅我者為官鬼

我生者為妻子

比和者為兄弟

凡所為事求財交易比和者好凡所戰鬥須要尅他得勝若是相生須看禽中吞啖

五音記方

正商音忌辰巳方

微音忌丑寅方

宮音忌未申方

角音忌亥子方

禽中時家吉凶

子虛

丑斗

寅燕軍

亥井未財

忌遠行

辰奎輔

巳怕婁

午胃

卯心

凶

申遇畢

酉斷凶

戌參中

未財吉

求

四季旺禽

正春旺亢金龍

夏旺危星求

秋旺井木犴

冬旺是奎婁

春旺須知奎角亢

燕危樟柳翼房併

夏季却還女箕畢

氏室張房方向榮

秋到觜參遭胃昂

鬼奎尾宿亦相同

冬來斗木心軫旺

壁井婁虛皆發生

二十八宿惡星不可用

房日兔

昂日雞

星日馬

虛日鼠

此四宿是才星也

角木蛟

亢金龍

奎木狼

婁金狗

斗木牙

牛金牛

遠行逢盜 行船沉水 入山逢虎 見官失理

求財折本 得病主死 謀望不成 穿井無水

婚姻不吉 埋墓豎造 百事大吉

二十八宿旺方

尾巳 箕丙 斗亥 牛巳 女乙 虛甲

危辰 室巳 壁坤 奎乙 婁牛 胃卯

昴酉 畢亥 觜子 參未 井乾 鬼巳

柳午 星寅 張乾 翼巳 軫寅 角丁

亢壬 氏寅 房癸 心乙

禽中上吉日

女虛室壁與星張 雞雉猿猴氏軫房

出入遠行皆大吉 交關買賣十分強

上官拜職登邊嶺 水路行船大吉昌

出陣一人當一百 求財十倍我非常

此是禽中上吉宿 百般謀望總相當

論禽樂處

天禽愛在刀砧地 地獸愛在田野位

飛禽只要在山林

水獸只要在水際

論禽喜詩

月寅土酉木居辰

火巳日午水在中

金宿來時逢妙處

出野趨時遇貴人

天禽吉宿

犴馬燕能實可奇

出入行船得勝歸

造作營為皆稱意

登山涉水並無危

四吉星行軍吉

天上四星仔細推

虎張犴馬喜相隨

出門萬事皆和合

不怕行山路險危

三凶星

用着猪羊蚓宿時

未行百步被人欺

此是神仙真妙訣

不說時師怎得知

禽中脫空無成

鬼箕壁斗胃黼婁

此等星辰不可求

成事番番又覆覆

脫然無尾又無頭

禽中遲有始終

畢奎角亢昴氏房

七個星辰大吉昌

凡事經營并遠出

雖然遲慢始終長

禽中快性安穩

畢奎危翼尾女星

七個星辰最有情

謀望求財并皆合

自然和合得相成

禽中退悔無災

室張虛軫井柳星

日夜投合亦堪尋

雖然遲滯多番覆

仔細其中辯淺深

禽中相捉

牛斗壁室猪與羊

若逢奎虎豹應傍

加以畢鳥相會遇

飛禽走獸盡遭殃

猿猴見虎須驚怕

狐兔逢婁命必亡

猪捉蛇兒行捉虎

蚓逢雞子入泉鄉

禽中血光

虛危氏室胃翼軫

此是血光暗曜星

四變七元皆吉利

儘教傷敗換軍兵

禽中鎖泊

卯寅山林為第一

虎豹奎狼吉

巳午湯火是為凶

一去便遭逢

申酉乃砧君須記

千萬牢心記

亥子江湖偷犴龍

角亢定英雄

丑未田野為絕地

且要專心記

辰戌坡崗看取方

仔細好推詳

千萬占取且莫真時過

一戰十當百

大敵出天門



亥子江湖水最深

寅卯山林溪澗

申酉乃砧為殺地

巳午湯火得人驚

丑未田園并郊野

辰戌坡岡鎖泊禽

辰為地網走獸地網

戌為天羅飛禽天羅

報賊來法

凡事內外有人報有軍賊未鬪戰禽官木符
七道行從天門上入帝星上用年月日時將
方上起青龍尋華蓋方打符念咒收師若打
此符入地沒時主賊不來如符打不入主賊
來可再入符一道却與禽中等語九師記之

二十八宿伏禽破法咒

破軍開星

護法吾身

披頭散髮

鬼哭神驚

上帝此劍

有勅伐精

斬邪寶劍

火射七星

水光引焰

直上天庭

數終末劫

下界妖精

吾劍一指

山岳須傾

急急如令

二十八宿打陣破禽法

角木蛟直日乃東方木星電鼉蛇奔之精用白衣
白旗犁頭鉄打入陣師人裝許真君身像披頭散
髮持劍念前咒

亢金龍直日原是雉雞生一卵在地三千五百年
後化為龍此禽無人伏得可用犁頭鉄打入陣師
人裝許真君身像手執雉雞一隻伏劍念咒

氏土貉直日原是狗之子此禽只好偷營劫寨用
青頭鴨一隻打入陣宜昂畢之時戰鬪得勝
房日兔直日原是太陽之精戰用黑衣皂旗在月
宮藏身用狗一隻打兔網一張各插野雉尾作犬
聲叫入陣用婁畢二時戰鬪大得勝
心月狐直日原是大陰之精戰用黑衣皂旗用黃
狗一隻反覆網一張作犬聲或作鴉聲叫入陣用
婁畢二時戰鬪得勝
尾火虎直日原是虎精戰用黑衣皂旗弓弩射去

將豬肉一塊打入陣打羅大噉作鴉聲叫入陣用
畢井二時戰鬪大勝
箕水豹直日原是獺精又名豹虎戰用黃衣黃旗
用弓弩射去或用肉及土石打入陣鳴羅鼓作鴉
聲叫入陣用畢井
斗木獬直日原是老君面前之獬戰用白衣白旗
用刀鈇打入陣作鴉聲叫入陣不宜遠行用金星
伏之
牛金牛直日原是牛精戰用紅衣用紅旗牽牛繩

一條牛柅一個打牛藤鞭一條或執在手或拋入陣作虎聲入陣得勝要用畫畢二時戰鬥不宜遠行嫁娶

女土蝠直日原是老鼠之時用戰鬥用青衣青旗用罩網及貓兒打入他陣作嗚聲叫入陣用婁畢二時戰鬥得勝

鬼金羊直日原是太平星戰用紅衣紅旗用竹葉打入陣此禽難得尋作虎聲犬聲叫入陣用尾箕二時戰鬥得勝不宜遠行

柳土獐直日原是山獐戰用青衣青旗用茅葉揮頭黃狗一隻網一張入陣作虎聲及鴉犬聲叫入陣用畢尾婁三時戰鬥得勝

星日馬直日原是良馬能至州縣戰用黑衣皂旗用鐵鎖及豆打入陣作虎聲叫入陣用井尾二時戰鬥得勝

張月鹿直日原是用黑衣皂旗用黃犬一隻用弓弩箭射入陣葱葉插頭上作虎聲叫入陣用婁尾二時戰鬥得勝遠行則吉

翼火蛇直日原是蟒蛇精用黑衣皂旗用土塊石塊亂打破陣春夏出秋冬藏作鴉聲嗽叫破陣用婁畢二時戰鬥得勝

軫水蚓直日原是蚶蟻之精用黑衣皂旗用鈇鋏鋤頭亂打破陣作雞鴨鴉聲叫入陣用昴畢二時戰鬥得勝此禽能鑽沙入土只好偷營劫寨打聽私事求謀嫁娶皆吉

二十八宿方位

東方 角亢氏房心尾箕

北方 斗牛女虛危室壁

西方 奎婁胃昂畢觜參

南方 井鬼柳星張翼軫

二十八宿布位

酉 角亢 戌 氏房心 亥 尾箕

子 斗牛 丑 女虛危 寅 室壁

卯 奎婁 辰 胃昂畢 巳 觜參

午 井鬼 未 柳星張 申 翼軫

七元交戰

正交時刻

如昴日雞直日用心月狐之類是

平

水尅火星

交生日時

如氏土貉直日用婁金狗之類是

子

土生金

順交日同

如角木蛟直日用井水犴之類是

一十八

日時皆比和

北

半

文



禽中吞陷法

龍蛇吞燕飛

虎豹吞牛羊

狐貉禽雞雉

豺狼食鹿獐

蚓逢雞雉死

蛇遇豸猪亡

犴鳥食亢角

狼犬吠心房

柳星張室壁

狼虎定相傷

禽中陷食法

星辰交會是

雄猛無過虎豹狼

又有蛟龍稱

若逢金宿盡滅降

室壁心張鬼柳房

若逢猛獸也恹惶

乃知婁狗欺狐兔

虎豹臨時必被傷

獐羊鹿馬雉獐羊

遇犬傷災必定憂

翼蛇怕見猪獐畢

蚓逢雞雉是冤仇

猪羊怕見獐獐獐

未行百步被禽拿

與兵用事渾輸敗

莫向江湖取訣知

禽中食陷

角木日時見亢星事相見吉求財尋人吉

怕牛金牛

氏土貉日時軫星出行望事尋人吉

怕畢昴房日兔

尾火日時見箕奎不但日中相見吉

張月日時相求合求財尋人吉

胃土日時相見吉利

星日日時相見吉利

昴日日時相見吉利

二十八宿吞陷法

角木蛟吞斗木豸女土蝠虛日鼠危月燕四星

亢金龍吞斗木豸女土蝠虛日鼠危月燕四星

胃土雉昴日雞畢月鳥吞翼火蛇軫水蚓三星

畢月鳥吞牛金牛一星

鷹吞胃土雉昴日雞畢月鳥三星

鷹吞尾火虎箕水豹奎木狼三星

尾火虎箕水豹吞婁金狗一星

室火猪畢水獮吞翼火蛇軫水蚓二星

虛日鼠吞胃土雉昴日雞翼火蛇三星

婁金狗吞翼火蛇昴日雞室火猪壁水獮柳土

獐五星

婁金狗吞房日兔心月狐觜火猴參水猿井鬼

胃昂室柳翼十二星

箕水豹吞牛金牛星日馬婁金狗三星

翼火蛇畢月鳥吞斗木牙井木犴軫水蚓三星

心月狐吞井木犴一星

危月燕壁水獮在寅化鵬吞角木蛟亢金龍二

星

畢月鳥在酉入廟有巢

占陰晴訣

雲如牛狀主雨

如碎魚白色遍天亦雨

平

明時有紅雲不散霧氣亦結有黑雲離之亦雨

雲若黑沉而接日亦雨

早霞雨

未雨先

雷必無雨有雨亦不大

雪如碎團亦晴紛紛

者是

晚霞晴

有毫氣如火來日晴

天河

中如有雲似紅火一團渡天者亦主大晴不吉

又主旱 新年初一日觀南斗中有紅氣遮着

大旱 如白雲遍天日墜而變者亦雨 若四

方雲如火明光不散大晴。若月有白暈向臨
月邊者來日雨。月紅暈晴。月中有黑暈者

管窺輯要卷之六十四終

雲者黑氣而對日本雨。早雨。未雨。水
雲。中。米。王。雨。中。米。魚。白。色。魚。天。亦。雨。平

管窺輯要卷之六十五

六安黃。鼎玉耳。父纂定。

男九命簡臣

九思視先

九成

桐城方兆及子詒全閱

地中

將營都邑先正四方立其圭表相其陰陽北至之
影尺有五寸天地之心上下正當百物阜安乃可

以立國四時氣正乃可以建邦偏東偏西則多風
陰而景朝夕偏南偏北則多寒暑而景短長所以
古明王設都而蒞萬姓必宅居中土而御四方

分野

壽星鄭兗角之與亢自武牢之汴潁東抵壽域濱
河濟逾淮源南及弋陽氏房心宿大火宋豫鄰齊
魯分襄邑小黃之亳壽當歸德盡濟曹宿之邳徐
尾箕析木燕幽是稱濱渤海高麗暨三韓之所盡
自北平保定終北紀之所窮斗牛星紀吳越隸揚

負淮水南及瓊崖之雷萬濱彭蠡東逾兩浙之蘇
杭須女虛危玄枵齊青循岱嶽北濟滄濱棗之博
德涉平陰東萊夷淄維之青登營室東壁之躔嫩
訾衛井之野自太行懷相東及大名之鄆濮起白
馬衛澶北負河內之漳鄴奎婁降婁分野魯徐循
岱嶽衆山之陽濱於淮泗合兗沂海密之郡利國
皆屬胃及昴畢大梁趙冀自磁邢祈趙定深洛恩
冀之真定當濁漳古魏郡鴈門雲中之北紀觜觿
參伐實沈晉益自龍門已東而太行已西當雲中

管窺輶馬 卷之六十五 三
之南而雒邑之北鶉首秦雍井之輿鬼東井當雒
之西北盡陝西西下之邦輿鬼當雒之西南盡巴
蜀漢中之地柳星張鶉火之次周三河爲地之心
自武牢之右而抵函谷之左負北河之南而當漢
水之陰翼軫鶉尾楚之與荆自襄房南盡鬱林之
夷貊濱彭蠡西抵白帝之房陵壬丙庚甲燕楚秦
齊戊巳韓魏而中州河濟乙丁辛癸而分居四夷
子周丑翟魏寅爲趙楚卯鄭辰趙晉亦主邯鄲巳
衛午秦未爲中山梁宋申晉齊魏酉魯戌趙亥燕

分野屬

角亢氏分野今之開封河南汝寧是也

房心卽今南京之徐州

尾箕屬幽州卽今順天北京保定河澗永平遼東

朝鮮

斗牛女今之南京江浙福建廣東廣西梧州

虛危當青州今山東之濟南東昌青州登萊州

室壁今之河南之衛輝彰德懷元北京之大名

奎婁當古之徐州今山東之兗州

謂昂畢今北京之真定順德廣平山西大同

崑參今之山西太原平陽遼州沁洛澤貴宣慰程

番

井鬼卽今之陝西四川雲貴之宣慰程番

柳星張今之河南洛陽南陽湖鄖陽襄之均州光

化谷城棗陽德之隨州應山

翼軫今之湖廣廣東廉州川之夔州貴之銅仁黎

平廣西

地震陷裂占

地德至靜欲其長安不欲動搖若主弱臣強后妃
 專政臣下擅權則土爲之不寧而變怪生焉陽伏
 而不能出陰迫而不能入陰陽相激地必震動故
 曰地動陰有餘又曰地震女主盛臣制命人不安
 兵且起京房易傳曰臣事雖正專必震其震於水
 則波於木則搖於屋則瓦落地動而驚牛馬者邑
 有叛臣動於宗廟宮庭者人君失位國無忠臣又
 曰地動辟不辟臣下謀逆兵革數動歲飢
 春地動時不昌夏動五穀傷君憂秋地動兵起冬

地動土功與地數動誅伐不以理上下不相親京
房曰無得專祿茲謂不順厥震動丘陵湧水出
周幽王二年三川皆震伯陽甫曰周將亡矣陽伏
而不能出陰迫而不能入於是此地動震三川
實震是陽失其所而在陰原必塞原塞國必亡昔
伊維竭而夏亡河竭而商亡今周德如二季其原
塞塞必竭川竭山必崩蓋國必依山山川山崩川竭
亡之徵也是歲三川竭岐山崩幽王卒犬戎起而
西周亡

魯文公九年癸酉地震是時齊桓晉文已死楚商
臣殺父自立天下皆畏事之其後宋魯晉莒陳齊
鄭皆殺其君

襄公十六年五月甲子地震是時天下之政皆在
大夫崔氏專齊欒盈亂晉良霄叛鄭閻殺吳子燕
出其君楚滅陳蔡

昭公十九年五月己卯地震是時季氏專魯其後
宋三臣皆以地叛蔡莒逐其君吳敗頓胡沈蔡陳
許之師殺二軍獲一大夫二十三年八月乙未地

震是時周景王崩子猛子朝爭立而王室亂其後
季氏逐魯昭公黑肱叛邾吳殺君僚宋晉大夫皆
以地叛
哀公三年四月甲午地震是時盜殺君蔡侯陳齊
乞殺君於越人吳而春秋終
漢獻帝初平二年董卓焚洛陽挾天子還長安京
師地動卓問蔡邕對曰地動者陰盛大臣踰制之
所致也又太史上言當有大臣戮死卓使人告太
尉張溫與袁紹交通殺之三年司徒王允與呂布

殺卓

地陷臣下專政人民分離乾象占曰地陷君失其
國有兵喪女主專政下叛逆亂兵起京房易妖占
曰地陷其國君亡

漢安帝永初元年六月丁巳河東揚地陷東西百
四十步南北百二十步深三五尺是時漢政始衰
晉武帝太康八年七月大雨殿前地陷方五丈深
數丈中有破船帝尋崩天下亂

漢帝永嘉元年三月洛陽東北步廣里地陷廣出

二鴻其後帝為劉聰所虜

魏孝靜帝武定二年十一月西河地陷有火出地裂陰背陽也父子分離民人叛去之兆一曰臣不從君天下將裂一曰地裂大臣專恣不任事女子為政刑罰妄施賢者退不肖者進厥妖地裂地裂有聲天下不寧四方兵起其主失國地裂一里天下流血三苗將滅地折及泉
漢和帝元興元年五月癸酉右扶風雍地裂翌後西羌大寇涼州

安帝元初元年三月己卯日南地折長百八十二里其後三年正月蒼梧鬱林合浦盜起劫掠吏民順帝陽嘉二年六月丁丑雒陽宣德亭地折長八十五丈是時宋娥及中常侍各用權分爭其後中常侍張達與大將軍商爭權作飛語以陷之
桓帝建和三年四月郡國六地裂水湧出時梁太后攝政兄冀專權枉殺李固杜喬天下疾之
靈帝建寧四年五月河東地裂十二處各長十里百七十步廣者三十餘步深不見底

晉惠帝元康四年六月壽春大雷山崩地折人多
陷死郡亦如之八月居庸地裂廣三十六丈長八
十四
懷帝永嘉二年七月戊辰當陽地裂三所廣三丈
長三百餘步其後晉室遂亡

地生異物占

地生肉兵起國亡地生血其地兵起有血流
地生毛金失其性兵起一曰地生白毛兵起國不
失土赤黑生毛血流千里國削土黃毛兵起青毛

兵起疫一曰地生白毛人勞苦

地生錢花兵在外不戰而回地生芻民將飢
三國公孫淵在哀平地市地生肉長圍各數尺有
頭目口喙而無手足能動占曰有形不成有體不
行其國滅亡淵尋為魏所破滅

晉惠帝元康五年三月呂縣有流血東西百餘步
至元康末窮凶極亂流血滿野北齊武平中有血
點地自咸陽王斛律明月宅至於太廟天戒若曰
殺明月則宗廟隨之覆矣後主不悟而亡

梁武帝大同二年地生白毛長二尺

唐武后垂拱元年九月淮南地生毛或白或蒼長者尺餘遍居人牀下揚州猶甚大如馬鬣焚之臭如燎毛占曰兵起民不和

地長地燃地變色占

宮中地長婦人進賢人滅

水中嶼長其分益土

土踊下人將起地燃臣下權重一曰國主亡又曰地燃必有賊兵侵害有軍在外大戰流血地如血赤外敵來奔

漢成帝河平四年臨淮縣土踊高二丈時王莽專政

晉惠帝光熙元年五月范陽地燃可以爨占曰此大疹土也是時四海喪亂人不聊生

苻堅時關中土燃無火而烟氣大起方數十里月餘乃滅後魏靜武定二年十一月西河地陷有火出占曰火陽精地陰主也地燃越陰之道陽之政臣下專恣終以自害時齊神武作宰侯景專制河

南神武殂景作亂

唐天寶十三載汝南葉縣南有土塊中有血出數日不止

唐大曆十三載二月太僕寺有泥像左臂上有黑汗滴下以紙承之乃血也

地山石部占

說云地卑而天尊在地成形地方也故山海經云地方而靜立亥部之東極至於西極二億三萬三千五百里七十一步南北準此故云地方也地無

私載老子云地得一以寧地無疆廣大也

淮南子云地缺東南南北川流歸巽位

易云地道變盈而流謙地重濁也地者山河之發人君不修其德不可以恃之則國危

凡地震動陰盛陽衰後漢張衡造八龍銜九驗其

地動之來所以災也地秉陰載山川播五行

地土弊則草木不長地有五色之土徐州貢之斥

鹵之地不可安營致軍

地忽變色有大兵起地動壞城郭驚牛馬及野獸

天下大亂國亡主受災兵起
地震動四墟災國害政地震雞雉群分國改號天
下不寧
地動搖驚禽獸不出二年米貴物不收兵盜並興
地動三年萬姓不安

天鳴地動天子失政大臣有陰謀地動十日已上
有大兵起地秋動爲大兵地冬動國主災爲大水
東西地動十日已上大兵起天地無故動搖不出
一年天下不安更立侯王天柱動而地不震主兵

革發此聲有雞雉鳴應者爲天柱動上爲蚩尤旗
下有兵流血人相食易政改號臣下相殺戰國大
爭地動千里不出三年有大兵起地震攻戰大勝
不出三日賊來自應謀反者不利凡軍地忽震動
震往他軍利以攻擊入我軍利以固守後勝
凡地裂世主災不出年內地裂社稷天下大兵地
裂市邑不出三年其分有災
大道中忽折裂不出一年有大風雨地裂千里已
上或山阜破成蹊谷爲大水

地裂有聲音天下不安大兵起

地夏裂一丈已上五穀貴一云殺五穀地秋裂人
流亡地冬裂大兵起

凡地裂折大水泛溢地裂見水兵起國主災軍地
忽折裂敗之兆急移之易將禍除地中响响有聲
兵相侵地中聲涸涸者邑亡
地無故赤如火燃大兵起

軍地忽生火軍敗將亡及有火如火照下有災將
至死

地自忽長有道塞不通大人將起地長市中國有
分裂地卒長生樹木臣下弛地長社稷王者益土
地卒沒陷君臣無德主災地春陷大水魚行人道
地夏陷兵起秋陷大兵冬陷為兵及水地陷多為
水災地忽夏長年中熟秋長六畜疫冬長人民安
地自傾及無故生泉并雜物年中米貴大亂兵起
地忽生毛天下大亂一云歲大熟
地陷池城沉不出一年有兵興
地陷没人君賦重不出二年有逆臣

管見車要 卷之六十五
街巷道路無故自踴高國有逆臣逆賊不出三年
鄰國來侵民散亡

軍地忽陷主將有憂黜移之則吉軍地生血主將
死有憂宜卜吉處居之

軍地忽生石礫當有禍生急移之吉軍地忽生土
錢士亡將死之兆急去之軍地忽生塵攻擊必勝
不出五日定得殺戮之功軍地土暴長主將封侯
得天之助戰必大勝軍地忽生黃色將軍封邑天
降吉利攻戰必克軍地忽生五穀主將得天道仁

勇所感也地生塵不出旬日有大戰地卒長高國
易政地陷城池主災之兆兵起地春冬陷大亂兵
起有大水民飢地陷一里人無家屋不聊生計
地長生樹天下受福地裂一丈一里已上或山阜
破成溪谷有大水天下流亡

地裂長道中天下不通凡陰背陽則地裂地裂卒
長如道年豐熟地冬長人不安有兵動地無故自
下城并郭及出雜物天下大亂

軍在野地生蠅虫及荆棘軍破將死軍地陷成坑

將死在野地陷生火有兵起地或生泉有戰必敗
守城城陷一云國弱將危地或汗出赤者凶

山春崩有征伐傷五穀山夏崩有大兵火災秋崩
有大兵又曰物不收冬崩大飢凡山崩臣下背叛
弱勝強也

山無故哭聲天下大兵山忽徙忠臣去佞臣進政
在女主不出五年有亂山無故自移天下有兵社
稷亡山自亡人主失政山自晝至夜有哭聲天下
兵喪山自崩主國分山崩世主喪德政暴不出二

年有奪之者

國中山分君臣相背邑中山崩其邑有戰或大水
山中見物類非人曾見者各有形名音聲其占爲
大水或飢兵革行邑亡
山石自動及生樹木并象物類及大小移動或濕
或血皆天下亂
山忽生大石邑喪主山石忽化爲人形及六畜飛
鳥皆爲國虛山穴作雷聲不出一年有賊山分裂
君臣爭女主有謀

山忽生光臣下不吉山忽赤如血諸侯逆

邑無故壅土如山謂陰反爲陰勝人君陰被女人
所謀不出一年有易嗣之君

石折有水主謀不成石生作禽獸諸侯興兵石人
泣戎兵起石鼓自聲若金鼓之響兵起有災沴石
生平野庶人興石忽濕有血皆主兵起石生如人
形庶雄持政石生如飛鳥形內戚女主近臣謀反
石生爲人形國君少嗣石生道中其分亡石生而
方軍謀逆不出一年兵起

石生毛髮如絲祭不出五年有兵謀事石生重累
不出五年相謀且成石生水中央見者近臣與女
主逆謀不出八年兵起石生都邑國中君有去故
就新之象不出三年有易政石隕移分野兵起盤
石忽生軍地宜可久居之吉

邑生或成州者吉邑廢而成枯陂佞人與賢人爭
權不出一年其分亡邑沒而成溝是謂反陽不出
二年宮女有爭爲后者邑滅而成土與屋高是謂
陰掩陽不出一年天下興兵女主喪

管輅神書卷之六十五
五
邑中鬼夜哭不出一年天下爭喪亂土人離散塚
墓自作音聲天下大兵起塚墓自移天下大破塚
墓自陷民流亡塚墓樹自死民多疾塚墓中鬼哭
及夜行呼喚不出一一年民棄其屋室而散
邑中冬不寒地不凍其分易政民飢絕貢

山變異占

山崩京房易傳曰小人剝廬厥妖山崩茲謂陰乘
陽弱勝強一曰山崩分裂君臣爭女主有謀又曰
其邑有戰主亡有水災伯陽甫曰山崩川竭其國

必亡山無故自崩國易政一曰國王失位民流散
山春崩其國有伐城夏山崩天下大水秋山崩有
大兵冬山崩大飢或曰山者公輔之象賢人退小
人進則山崩

魯成公五年夏梁山崩壅河三日不流晉君索羣
臣而哭之乃流劉向以爲山陽也水陰民也天戒
若曰君道崩壞百姓將失其所哭然流喪亡之象
也梁山在晉地自晉始而及天下也其後晉殺三
卿厲公以弑

漢高后二年正月武都山崩殺七百六十人地震
至八月乃止
文帝二月四月齊楚地山二十九所同日俱大發
水潰出後十六年齊王之庶子菑川膠東膠西濟
南王與吳楚俱反同日破滅
成帝河中三年二月丙戌蜀郡岷山崩壅江江水
逆流三日乃通劉向以爲周時岐山崩而幽王亡
岐山周所興也漢家本起蜀漢今所起之地山崩
川竭殆必亡矣其後三世無嗣王莽篡位

後漢和帝永元十二年夏四月戊辰南郡秭歸山
高四百丈崩填谿殺百餘人明年冬蠻夷反遣使
募荊州吏民萬餘人擊之
山徙是謂德動直臣去佞人執政在女主不出五
年有走王一曰山徙者皇之不極祿去公室賞罰
出於私門刑威不從

唐永昌中華州赤水南岸大山晝日忽風昏有聲
隱隱如雷頃之漸移東數百步壅赤水壓張村民
三十餘家山高二百餘丈水深三十丈草木宛然

是時政在女主天子聽人命而已

天寶十一年六號州闌鄉黃河中女媧墓因大雨晦移失所在至乾元二年六月乙未瀕河人聞有風雷曉見其墓湧出下有臣石上有雙柳各長丈餘占曰冢墓自移天下破

大曆九年十一月戊戌同州夏陽有山徙於河上聲如雷山色變赤如血諸侯不助父子絕山破爲谷天下流亡

山出異物占

山出異物非人所常見者皆爲其邑有兵飢大水邑亡

山見葆江於邑邑有兵葆江狀如人頭赤色吳戊將鄧喜殺猪祠神畢縣之人忽見一人頭往食肉喜引弓射中之咋咋聲繞屋三日後人告喜叛反閤門受誅

山鳴占

山吼作雷聲不出六月賊起山晝夜有聲如人哭天下兵喪一曰山鳴天下亂其國分裂

後漢獻帝建安七年中長沙醴陵有大山常大鳴
如牛响聲積數年後豫章賊攻沒醴陵縣殺掠吏
民

隋文帝開皇十四年正月旦鄆州連雲山有聲如
雷時五羗反叛侵邊

川澤變異占

川竭其國亡京房曰君臣相背厥異水絕

江河溢決京房曰天有度地有里川澤浸漑萬物
今而溢者明在位者之不勝其任也

讖曰水者絕陰之精也陰氣洋溢小人專擅侵乘
君子故浦水爲災春秋考異郵曰陰盛臣逆人悲
情發則水出河決京房易飛候曰大水至國賤臣
將貴又曰誅伐絕理厥災大水辟暹有德厥災水
流山水暴出百姓怨天不雨而地忽出泉民飢
宋建炎四年五月洞庭湖夜有赤光見東北亘天
如火明照湖心上下一色俄轉東南此血光也後
虜兵犯湘沔

地土陷裂



地震

宋志曰地土忽陷臣下專政萬民離散亦為失地

漢書曰地陷者王室亂陷壞塔者大臣專政

宋志曰秋行冬令則地圻裂其應士庶分散大臣

專恣下叛上賢者退不肖者進裂而有聲大兵失

土不寧


宋志曰地忽震動是謂臣強陰伏而不能出陰迫

而不能入陰有餘也若外戚擅權女妃專政則土

為之變易小人用下有謀及民擾則地震其分兵

亂又占其時春則歲不昌夏乃君憂五穀傷秋則

兵起冬有土功又曰地震於宗廟宮室或動而不
 已者國有叛臣讒佞進大臣叛動則誅罰不以理
 而上下不相親政在女子如牛馬禽獸奔走者天
 子失位春秋災異曰為國家者亂五行之序失五
 常之德背陰陽以傷坤元則鎮星為之動搖而地
 震矣
 京房曰地為大臣之位當安載萬物懷藏物類今
 越陰之位行陽之政而搖動者不為君安載乎萬
 物也劉向曰臣下強盛將動為害



宋志曰地忽生毛為金失性人將勞兵起之徵
又曰地無故成泉天下兵起且大水

天文錄曰火者陽之精地者陰之主所以載萬物
火然者越陰之道行陽之政傷而不克之象非惟
燃灼群生亦自焚也陽君也陰臣也臣下專恣終
自害也京房曰火出於地其國君咎

宋志曰地燃則賢人出見大臣專政兵起中原君
弱臣強又曰地忽生光如火照國憂危亡又主小
人進賢人滅也如見火發於夜滅而無光妖怪並

興庶民離亡

地震洪水



地鳴山鳴




朱文公曰地震洪水出陰盛陽微之應京房曰巨
 弄權專政則地震其震於水則波於木則摧於屋
 則瓦落於山則水湧

朱文公曰地鳴有聲天子失國政任婦人山或晝
 夜有聲如哭天下兵喪大亂漢書曰大山常鳴如
 牛响者天下四方分裂之象

地躍土而山



山崩水湧



山徙




地生錢



獸作人言



地湧佛像



唐書曰天氣不和寒暑隔人氣不和瘧贅生地氣不和堆阜出今女主居陽位反易剛柔故地氣隔塞山變爲災

宋志曰山或遷移是爲皇之不極祿去公室賞罰出於私門天下兵起社稷亡

晉書曰山陽君也水陰百姓也天戒若曰君道毀壞百姓將失所山崩或移徙故水湧宋志曰山崩毀者謂之陰盛陽弱崩者離散之象賢人去而佞人進

京房曰山無故自陷天下兵作王室大亂

宋志曰地忽生土錢則人主惡之盜賊起於宮內宋志曰地忽有佛神見像湧出者天下易主人民流亡五穀微收虫蝗爲害

宋志曰禽獸作人言中原起兵賊盜中興夷狄來侵大凶

朱文公曰地上諸虫生發國用佞人

經曰敬用五事一曰貌二曰言三曰視四曰聽五曰思六曰思七曰思八曰思九曰思十曰思

管窺輯要卷之六十五
不和堆阜出今女主居陽位及易剛柔故地氣隔
米文公曰此土龍由土發固用卦人

卦大凶山或遷移是為皇之不極祿去公室賞罰
宋志曰禽燭卦入言中京時兵燬盜中興夷火來
流亡正豫燭卦也天戒若曰君道毀
宋志曰此惑育卦輒具卦出昔夫不長主人只
宋志曰此惑主土發隕人主惡之盜燬時於宮內
京吳曰山無姑自留天不與卦王室大厲

管窺輯要卷之六十六

六安黃 鼎玉耳父纂定

侄九錫公位

九疇倫敘

九如眉介

桐城方兆及子詒仝閱

五行五事五色祥青

經曰敬用五事一曰貌二曰言三曰視四曰聽五
曰思貌曰恭言曰從視曰明聽曰聰思曰睿恭作

肅從作乂明作哲聰作謀睿作聖休徵曰肅時雨
若乂時暘若哲時奧若謀時寒若聖時風若咎徵
曰狂恒雨若僭恒暘若舒恒奧若急恒寒若霜恒
風若

傳曰貌之不恭是謂不肅厥咎狂厥罰恒雨厥極
惡時則有服妖時則有龜孽時則有雞禍時則有
下體生上之疴時則有青青青祥惟金沴木言之
不從是謂不乂厥咎僭厥罰恒暘厥極憂時則有
詩妖時則有介蟲之孽時則有大禍時則有口舌

之疴時則有白青白祥惟木沴金視之不明是謂
不哲厥咎舒厥罰恒奧厥極疾時則有草妖時則
有羸蟲之孽時則有羊禍時則有目疴時則有赤
青赤祥惟水沴火聽之不聰是謂不謀厥咎急厥
罰恒寒厥極貪時則有鼓妖時則有魚孽時則有
豕禍時則有耳疴則有黑青黑祥惟火沴水思心
之不睿是謂不聖厥咎霜厥罰恒風厥極凶短折
時則有脂夜之妖時則有華孽時則有牛禍時則
有心腹之疴時則有黃青黃祥時則有金木水火

診土

說曰凡草物之類謂之妖妖猶夫胎言尚微蟲豸之類謂之孽孽則牙孽矣及六畜謂之禍言其著也及人謂之疴疴病貌言寢深也甚則異物生謂之青外來謂之祥祥猶禎也氣相傷謂之診診猶臨泣不和意也每一事云時則以絕之言非必俱至或有或亡或在前或在後也
 歲于甲曰闕逢乙曰端蒙一作旃蒙○丙曰游兆一作柔兆一作游桃○丁曰疆梧○戊曰徒維○

巳曰祝犁一作著雍○庚曰商橫一作上章○辛曰昭陽一作重光○壬曰橫艾一作玄默○癸曰尚章一作昭陽

歲支子曰困敦混沌也言萬物萌混沌於黃泉之下也○丑曰赤奮若陽氣奮迅萬物而起無不若其性○寅曰攝提格言起也萬物承陽而起○卯曰單闕言陽氣推萬物而起○辰曰執徐伏蟄之物皆敷舒而出故云○巳曰大荒落一作芒言萬物皆熾盛而大出霍然落之○午曰敦牂言萬物

壯盛○未曰協洽一作叶洽言陰陽化生萬物和
 合○申曰涖灘一作芮漢言萬物吐秀傾垂之貌
 ○酉曰作噩一作鄂言萬物皆落枝之貌○戌曰
 淹茂一作闔言萬物皆蔽冒也○亥曰大淵獻獻
 萬物於天深蓋藏也

蒼帝行德天門為之開蒼帝東方靈威仰之帝行
 春令

赤帝行德天牢為之空赤帝南方赤烟怒之帝行
 夏令

黃帝行德天矢為之起黃帝中央含樞紐之帝行
 季夏令

白帝行德畢昴為之圍圍三暮德乃成不三暮及
 圍不合德不成白帝西方白招炬之帝行秋令
 黑帝行德天關為之動黑帝北方協光紀之帝行
 冬令動開閉也
 天行其德天子更立年天北極紫微宮也不德
 風雨破石三能三衡者天廷也客星出天廷有奇
 令三能即三台也

春秋桓公十三年楚屈瑕伐羅鬪伯比送之還謂其馭曰莫囂官民卽屬瑕也必敗舉止高心不固矣遽見楚子以告楚子使賴人追之弗及莫囂行遂無次且不設備及羅羅人軍之大敗遂至縊死春秋釐公十一年周使內史過賜普惠公命受玉墮過歸告王曰晉侯其無後乎王賜之命而墮於受瑞先自棄也已其何繼之有禮國之幹也敬禮之輿也不敬則禮不行禮不行則上下昏何以長世二十一年惠公卒子懷公立晉人殺之更立文

公

春秋成公十六年公會諸侯于周單襄公見晉厲公視遠步高告公曰晉將有亂魯侯曰敢問天道也抑人故也對曰吾非瞽史焉知天道吾見晉君之容殆必有禍者也夫君子日以定體足以從之是以觀其容而知其心矣日以處誼足以步目晉侯視遠而足高目不在體而足不步目其心必異矣目體不相從何以能久後二年晉人殺厲公此貌不恭之咎也

春秋襄公三十一年正月魯穆叔會晉歸告孟孝伯曰趙孟將死矣其語偷不似民主且年未盈五十而諄諄然如八九十者弗能久矣若趙孟死爲政者其韓子乎吾子盍與季孫言之可以樹善君子也孝伯曰民生幾何誰能無偷朝不及夕將焉用樹穆叔告人曰孟孫將死矣吾語諸趙孟之偷也而又甚焉九月孟孝伯卒昭公元年冬趙孟卒此所謂言之不從也

春秋襄公三十一年公夢季武子將立公子禰是爲昭公穆叔曰是人也居喪而不哀在感而有嘉容是爲不度不度之人鮮不爲患若果立必爲季氏憂武子弗聽卒立之後昭公聽讒攻季氏兵敗出奔死於外

春秋襄公二十三年穀洛水鬪將毀王宮周靈王將壅之有司諫曰不可長民者不崇數不墮山不防川不竇賊今吾執政毋乃有所辟而滑夫二川之神使至於爭明以防王宮室王而飾之母乃不可乎懼及子孫王室愈卑王卒壅之後數年有黑

如日者五靈王崩
春秋襄公三十一年絳縣老人曰臣生之歲正月
甲子朔四百四十有五甲子矣其年於今三之一
也師曠曰郤成子會於承匡之歲也七十三年矣
史趙曰亥有二首六身下而二如身則其日數也
士文伯曰三萬六千六百有六旬也

春秋昭公二十一年春周景王將鑄無射鍾於州
鳩曰王其以心疾死乎夫天子以省風作樂大者
不窺小者不擲擲則不容心是以感感實生疾今
鍾擲矣王心弗或其能久乎明年王以心疾崩此
思不睿之應也

春秋定公十五年邾隱公朝於魯執玉高其容仰
公受玉卑其容俯子贛觀焉曰以禮觀之二君者
皆有死亡焉夫禮死生存亡之體也將左右周旋
進退俯仰於是虜取之朝死喪戎於是乎觀之今
正月相朝而皆不度心已亡矣嘉事不體何以能
久高仰驕也卑俯替也驕近亂替近疾君為主其
先亡乎是年五月定公薨哀公七年秋伐邾以邾



子益來也

史記魯哀公十六年孔丘卒公誅之曰昊天不弔不愍遺一老俾屏子一人子贛曰君其不沒於魯乎夫子之言曰禮失則昏名失則愆矢志為昏失所為愆生弗能用死而誅之非禮也稱子一人非名也君兩失之二十七年公孫於邾遂死於越○春秋終於哀公之十四年後皆稱史記
史記秦繆公病卧五日不寤寤乃言夢見上帝上帝命繆公平晉亂史書而記藏之府而後世皆曰

秦繆公上天

漢高帝立為漢王東擊項籍而還入關問故秦時上帝祠何帝也對曰四帝有白赤青黃帝之祠高祖曰吾聞天有五帝而有四何也莫知其說於是高祖曰吾知之矣乃待我而具五也乃立黑帝祠命曰北時漢高后三年夏漢中南郡大水水出流四千家
高后四年秋河南大水伊洛流千六百餘家汝水流八百餘家

高后八年夏漢中南郡水復出流六千餘家南陽
沔水流萬餘家是時女主獨治諸呂相王
漢文帝時趙人新垣平言上曰闕下有寶玉氣來
者已視之果有獻玉杯者刻曰人主延壽平又言
臣候日再中居頃之日卻復中於是改元令天下
大酺後以詐誅

文帝時河決於瓠子乃使使汲人郭昌發卒數萬
人塞瓠子決自臨決河沈白馬玉璧於河令羣臣
從官自將軍已下皆負薪寘決河天子悼功不成

乃作歌曰瓠子決兮將奈何皓皓盱盱兮閭殫爲
河兮地不得寧功無已時兮吾山平吾山平兮鉅
野溢魚沸鬱兮拍冬日延道弛兮離常流蛟龍騁
兮方遠遊歸舊川兮神哉沛不封禪兮安知外爲
我謂河伯兮何不仁泛濫不止兮愁吾人齧桑浮
兮淮泗滿久不反兮水維緩又曰河湯湯兮激潺
湲北渡迴兮浚離難牽長芟兮沉美玉河伯許兮
薪不屬薪不屬兮衛人罪燒蕭條兮噫乎何以禦
水頽林竹兮撻石菑時用淇園之竹以爲撻也宣房塞兮萬福

來於是卒塞瓠子築宮其上名曰宣房宮

漢武帝元鼎四年夏六月中汾陰巫錦爲民祠魏
睢后土營旁見地如鉤狀掎視得鼎鼎大異於衆
鼎文鏤無欵識恠之言史史告河東太守勝勝以
聞天子使使驗問巫錦得鼎無奸詐乃以禮祠迎
鼎至甘泉從行上薦之至中山晏温有黃雲蓋焉
有鹿過上自射之因以祭云至長安公卿大夫皆
議請尊寶鼎制曰可

漢宣帝甘露元年夏新豐建章未央宮鍾簾皆生
毛長一寸所時以爲美祥

漢光武初爲大司馬在薊王郎移檄購光武光武
南馳至下曲陽滹沱河候吏還白河水流漸無船
不可濟官屬大懼光武令王霸往視之霸恐驚衆
欲且前阻水還卽詭曰水堅可渡官屬皆喜光武
笑曰候果妄語也遂前比至河河水乃合亦令霸
護度未畢數騎而水解光武謂官屬曰王霸權以
濟事殆天爲之瑞也

漢光武建武元年赤眉賊率樊崇逢安等共立盆

盆子爲天子然崇等視之如小兒百事自由初不恤錄也後正日至君臣欲共饗旣坐酒食未下羣臣更起亂不可整時大司農楊音按劍怒曰小兒戲尚不如此其後遂破壞崇安等皆誅死惟音爲關內侯以壽終所謂貌之不恭是謂不肅厥咎狂厥罰恒雨厥極惡者也

漢光武中元元年六月京師醴泉湧出飲之者痼疾皆愈惟渺蹇者不瘳漢安帝永初六年河東池水變色皆赤如血占曰

好任殘賊殺戮不辜延及親戚

漢桓帝延熹九年三月洛陽城中人夜無故叫呼

有火光轉行人相驚譟

漢靈帝光和六年秋金城河水溢五原山岸崩始置圍圉署以宦者爲令東海東萊琅邪井冰厚尺餘有一年

漢公孫度中平初爲遼東太守時襄平社生大石丈餘下有三小石爲足或謂度曰此漢宣帝冠石祥也當有土地度以爲已瑞自立爲遼東侯平州

牧後曹操表封永寧鄉侯遂據遼土
三國魏明帝青龍中盛修宮室西取長安金狄承
露盤折聲聞數千里金狄泣於是因留霸城
魏尚書鄧颺行步弛縱筋不束體坐起傾倚若無
手足此貌之不肅管輅謂之鬼躁卒誅
魏公孫文懿時襄平北市生肉長圍各數尺有頭
目口喙無手足而動搖此赤祥也占曰有形不成
有體無聲其國滅亡文懿尋爲魏所誅
三國吳孫亮五鳳二年五月陽羨縣離里山大石

自立京房易傳曰庶士爲天子之祥也後孫休見
立
吳孫皓建元陽元年三月大火燒萬餘家死者七
百人
吳時歷陽縣有巖穿似印咸云石印封發天下太
平孫皓元璽元年印發後卒面縛而吳亡其國
晉武帝咸寧二年閏月荊州羣國五大水流四千
餘家去年采擇良家子女露面入殿帝親簡閱有
蔽匿者以不敬論縉紳愁怨天下非之陰盛之應

也
武帝大康五年四月魯國池水變赤如血
太康十年洛陽宮西宜秋里石生地中始高三尺
如若連理其後徐馥作亂
清河王覃爲世子時所佩金鈴忽生起如粟者康
王母疑不祥毀棄之及後爲惠帝太子爲司馬越
所殺

晉惠帝元康三年閏二月殿前六鐘皆出涕五刻
止前年賈后殺楊太后於金墉城而賈后爲惡不
止故鐘出涕猶言傷之也

元康五年閏月庚寅武庫火張華疑有亂先命固
守然後救火是以累代異寶王莽頭孔子履漢高
祖斬白蛇劍及二百八萬器械一時蕩盡

元康中貴游子弟相與爲散髮裸身之飲對弄婢
妾逆之者傷好非之者負訛希世之士耻不與焉
蓋貌之不恭其後遂有二胡之亂

元康六年三月彭城呂縣有血流東西百餘步
元康八年五月金墉城井溢趙王倫篡位廢帝於

此城

惠帝永康元年帝納皇后羊氏后將入宮衣中忽有火衆咸恠之後數次被廢此火孽也

惠帝永興元年成都王穎伐長沙每夜戈戟鋒有火光如懸燭此輕人民好攻戰金失其性而爲先變也成都不得終以敗亡

晉司馬道子於府園內列肆使姬人酤鬻身自貿易于寶以爲貴人失位降在皂隸之象俄而道子見廢

晉懷帝永嘉元年項縣有魏預州刺史賈逵石碑生金可採五月汲桑作亂羣寇颺起

晉愍帝建興四年十二月景寅丞相府斬督軍令吏淳于伯血逆流上柱二丈三尺此赤祥也

晉元帝永昌元年甘卓將襲王敦旣而中止及還家多變恠照鏡不見其頭尋爲敦所襲遂夷滅

晉明帝太寧元年周筵自歸王敦旣立其宅守所五間六梁一時躍出墜地餘桁猶亘柱頭此金沴木也明年錢鳳謀亂遂族滅筵而姑孰尋亦爲墟

矣
晉成帝咸和元年祖約鎮譙日府內地忽赤如血
戴洋曰按河圖徵曰地赤如丹血丸丸當下有犯
上者恐十月二十七日胡馬當來飲淮水至時石
勒果來攻城

晉成帝咸康二年庾亮鎮武昌城東家夜半望見
城內數炬火從城上出如大車狀白布幔覆與火
俱向東北行至江乃滅戴洋聞而歎曰喪必東行
不過數年必應

晉穆帝升平三年二月涼州城東池中有火四年
四月姑臧澤水中又有火此火沴水之妖也

升平五年南掖門馬足陷地得一鐘有四大字
晉海西公太和中會稽山陰縣起倉鑿地得兩大
船滿中錢錢皆輪文大行時日向暮鑿者馳以告
官官夜遣防守甚嚴至明旦失錢所在惟有船存
視其狀悉有錢處

晉安帝義熙初東陽太守殷仲文照鏡不見其頭
尋被誅

管子地員篇
卷之六十六
義熙四年冬南燕汝水竭河凍皆合而澠水不水
燕王慕容超惡之問於李宣宣對曰澠水無水良
繇逼帶京城近日月也超大悅是年南燕亡

南文帝元嘉二十五年冬青州城南遠望見地中
如水有影謂之地鏡

南齊武帝永明六年秋七月齊興太守劉元寶於
郡城塹得錢三十七萬皆輪厚徑一寸半獻上以
爲瑞頒賜公卿

永明中始興王鑑於益州園地得古冢無復棺但
有石槨銅器十餘種併古形玉璧三枚珍寶甚多
不可皆識金銀爲蠶蛇形者數斗又以硃砂爲阜
水銀爲池左右咸勸取之鑑曰皇太子昔在雍有
發古冢者得玉鏡玉屏風玉匣之屬皆將還都吾
意常不同乃遣功臣何侗爲之起墳諸寶物一不
得犯

南齊廬陵王子卿子雲長隆昌元年爲司徒所居
屋梁柱際血出溜於地旬日而見殺

南齊明帝永泰元年齊王昶太子寶卷卽位惡靈

在大極殿欲速葬徐孝嗣固爭得逾月每當哭輒云喉痛大中大夫羊闡入臨無髮俯仰憤脫寶卷輟哭大笑謂左右曰禿鶯啼來乎南齊東昏侯永元二年秋八月後宮火時嬖倖之徒皆號爲鬼有趙鬼者能讀西京賦言於上曰栢梁旣災建章是營齊主乃大起芳樂等玉壽諸殿以麝塗壁刻畫裝飾窮極綺麗役者自夜達曉猶不副速百姓困盡號泣道路

永元三年七月梁武帝天監十五年秋淮水暴長

堰壞奔流於海殺十數萬人其聲若雷聞二三百里水中恠物隨流而下或人頭魚身或龍形馬首殊類詭狀不可勝名原築堰材棺將軍祖暉坐下獄說者謂刺史張豹子不修堰之過也是以有此武帝中大同元年三月幸同泰寺講三慧經四月解講是夕浮屠災帝曰此魔也更宜廣爲法事遂起十二層浮屠將成值侯景亂乃止按同泰寺卽梁主捨身處寺前有醜石四各高丈餘俗呼爲三品石宋王安石詩草沒苔盡棄道周誤思三品竟

何酬國亡今日頑無耻自謂當年不與謀

南梁元帝承聖二年春正月己卯江夏宮門籥牡

飛

南梁河東王譽字重孫累遷湘州刺史爲王僧辨所圍譽將敗引鏡照面不見其頭又見長人蓋屋兩手據地噉其臍又見白狗大如驢從城出不知所在譽甚惡之俄而城陷見殺

南梁庾子輿事親極孝父域出守巴西病卒子輿奉喪還鄉秋水猶壯巴東有淫預石高出二十丈

許及秋至則纔如見焉次有瞿塘大灘行旅忌之部伍至此石猶不見子輿撫心長叫其夜五更水忽退減安流南下及渡水復舊行人爲之語曰淫預如幞本不通瞿塘水退爲庾公初發蜀有雙鳩巢舟中及至又棲廬側每聞哭泣之聲必飛翔簷宇悲鳴激切

江陵先有九十九州古老相承雲滿百當出天子桓玄爲荊州刺史內懷篡逆之心乃遣鑿破一州以應百數隨而崩散竟無所成

管窺輯要 卷之六十一
宋文帝爲宜都王在藩一州自立俄而文帝篡統
後遇元凶之禍此州還歿梁太清末江楊之閣浦
復生一州羣公上疏稱慶明年簡文帝卽位承聖
末其州與大洋相通惟九十九云

南陳宣帝太建十四年七月自建業至荊州江水
色赤如血

南陳後主禎明二年四月郢州南浦水黑如墨建
陽門第生黑白毛

禎明二年五月甲午東冶鑄鐵有物赤色大如數
升自天墜鎔所聲隆隆如雷其鐵飛出墻燒人家
禎明二年上於郭內大星佛寺起七層塔未畢火
從中起飛至石頭燒死者不勝其數

北魏李崇字繼長延長初爲楊州刺史時有泉水
湧於八公山頂壽春城中有魚從地湧出野鴨羣
飛入城與鵲爭巢五月大霖雨十有三日大水入
城屋宇皆沒崇與兵泊於城上水增未已乘船附
於女墻城不沒者二版而已州府勸崇棄城保北
山崇守死不去時州人斐絢等因乘大水謀欲爲

亂崇皆擊滅之

東魏孝靜帝武定二年十一月西河地陷有火出北齊平鑿遷懷州刺史於州西故軹關道築城以防西軍尋而魏將楊標來攻城水乏南門內有大井隨汲卽竭鑿具衣冠俯井祝至旦而井泉湧溢有異於常合城取足竟敗魏軍

北周宣帝大象元年六月咸陽有池水文爲血隋煬帝大業七年夏四月山東河大水漂沒三十餘郡十月底柱崩愜河逆流數十餘里

大業十四年夏二月大業殿西院火帝以爲盜起驚走匿草間火定乃還帝自八年以後每夜眠中恒驚悸云有賊令數婦人搖撫始得眠

煬帝自大業十三年至江都荒淫益甚酒卮不離口然見天下危亂亦不自安退朝則幅巾短衣遍歷臺閣汲汲顧景惟恐不足又常仰視天文謂蕭后曰外間大有人圖儂然且共樂飲耳因引滿沉醉又引鏡自照曰好頭頸誰當砍之后驚問故帝笑曰貴賤苦樂更迭爲之亦復何傷此所謂言之

不從也

唐高祖武德七年河間王孝恭征輔公祐宴師於舟中孝恭以金盃酌江水將飲之則化爲血孝恭曰盃中之血公祐授首之祥

唐太宗貞觀十三年三月壬寅雲陽石燃方丈晝則如灰夜則有光投草木則焚歷年乃止火失其性而沴金也

餘萬家

唐則天垂拱九年九月淮南地生毛或白或蒼長者尺餘遍居人床下揚州尤甚大如馬鬣焚之臭如燎毛占曰兵起民不安

垂拱三年七月魏州地出鐵如船數十丈廣州雨金位正秋爲刑爲兵占曰人君多殺無辜一年兵災於朝

則天長壽中東都天宮寺泥像皆流汗出霹靂則天時來俊臣家井水變赤如血井中夜有吁嗟嘆惋聲俊臣以木棧之木忽自投十步外

唐中宗神龍二年二月壬子洛陽城東七里地色如水樹木車馬歷歷見影漸移至都月餘乃滅長安街中徃徃見水影昔符堅之將死也長安常有是祥

神龍中東都白馬寺鐵象頭無故自落於殿門外中宗時中郎將東夷人毛婆羅炊飯一夕化爲血唐玄宗開元八年六月庚寅夜穀洛溢入西上陽宮內人死者十七八畿內諸縣田稼廬舍蕩盡掌開衛兵溺死千餘人京師興道坊一夕陷爲池居

民五百餘家皆沒不見其年鄧州三鴉口大水塞谷或見二小兒以水相沃須臾一蛇大十圍張口仰天人或砍射之俄而暴雷漂溺數千家

玄宗天寶五年四月宰臣李適之常列鼎具膳羞中夜鼎躍出相鬪不解鼎耳及足皆折

天寶六年少陵原楊慎矜父墓封域內草木皆流血令浮屠史敬忠禳之敬忠使慎矜退朝裸而桎梏於叢棘間如是數旬流血不止尋爲李林甫王鉞作飛牒誣告謀反戮藉

管窺輯要 卷之六十六
浮屠泓嘗爲燕國公張說市宅戒曰無穿東北王
隅也它日見說曰宅氣索然云何與說共視隅有
三坎丈餘泓驚曰公富貴一世而已諸子將不終
說懼將平之泓曰客土無氣與地脉不連譬身瘡
痛補宅肉無益也說子皆汗卒死斥云

天寶十二年李林甫第東北隅每夜火光起或有
如小兒持火出入者近赤祥也

唐肅宗至德二年昭陵石馬汗出昔周武帝克晉
州齊有石像流汗濕地此其類也

肅宗乾元二年七月乙亥晝渾天儀有液如汗下
流

乾元二年七月嵐州合河關河三十里清如井水
四日而變

肅宗寶應元年九月秦州至陝州二百餘里河清
澄見底

唐代宗廣德元年十二月辛卯夜鄂州大風火發
江中焚舟三千艘延及岸上民居二千餘家死者
數千人

代宗大歷十三年二月大僕寺有泥像左背上有
黑汗滴出以紙承之血也

大歷末深州束鹿縣中有水影長七八尺遙望見
人馬往來如在水中及至前則不見水中

唐德宗建中四年五月滑州濮州河清十四年閏
五月滑州河清

德宗貞元二十一年朗州熊武五溪水流闕占曰
方伯力政厥異水闕

唐穆宗長慶中新都大道觀泥人生鬚數寸拔之

復生

唐文宗太和五年浙西觀察使王璠治潤州城隍
中得方石有刻文曰山有石石有玉玉有瑕瑕即

休

唐僖宗中和三年秋汴水入於淮水闕壞船數艘
唐昭宗大順二年七月癸丑甲夜汴州相國寺佛
閣災是日暮微雨震電或見有赤塊轉門譙藤網
中周而火作旣而大雨暴至平地水深數尺火益
甚延及民居三日不滅

昭宗景福中滄州城塹中冰有文如畫大樹華葉
芬敷者時人以爲其地當中有兵木訖後久益
宋太祖建隆二年七月晉州神山縣北谷中有鐵
隨水流出方二丈三尺其重七千觔
太祖乾德五年十一月許州開元觀老君像自動
知州宋偓以聞

乾德六年正月簡州普通院毗盧佛像自
太祖開寶二年六月棣州有火自空墜於城北有
物如龍

開寶七年六月棣州有火自空墜於城北門樓有
物抱東柱龍形金色足三尺許其氣甚腥且視之
壁上有烟痕爪跡三十六
宋太宗太平興國四年九月夾山縣民王誼得黑
石二皆丹文其一云君王萬歲其二云趙二十一
帝緘其石來獻

太宗端拱元年二月澶濮二州河清二百餘里
太宗至道二年二月桂陽監鎔銀自湧成山峯狀
宋真宗咸平元年五月撫州王羲之墨池水色變

黑如雲

真宗景德元年二月保順軍城壕水陷起文爲桃李花雜樹人物之狀

真宗大中祥符元年二月醴泉出蔡州汝陽鳳原鄉有疾者飲之皆愈之八年十一月汶山下亦然大中祥符五年八月東池水自成鹽僅半池潔自成塊晶瑩異常汾陰經度制置使陳堯叟馳獻凡四千七百斤分賜近臣及諸列較

宋仁宗天聖元年三月涪陵縣相思寺夜有光出

阿育王塔之舊址發之得今銅像三百二十七

仁宗慶曆四年五月金谿縣得生金玉重三百二

十四兩

仁宗嘉祐七年三月彭城縣白鶴鄉地生麩五月

鍾離縣地生麵占曰民將飢

宋神宗元豐元年邕州佛像動搖初夏人入寇又

動而州大火其後儂智高叛復動於是知州錢師

孟投其像於江中

政和四年府畿汝蔡之間連山大小石皆變爲瑪

璫尚方取爲寶帶器玩甚富
徽宗宣和元年九月掖庭大火自甲夜達曉大雨
如傾火益熾凡蕪五千餘間後苑廣聖宮及宮人
所居幾盡焚死者甚衆
徽宗宣和四年後御府所藏玉往往復變爲石而
色類白骨此與周寶圭占同
宋欽宗靖康元年十二月丙子夜尚書省火延燒
禮祠工刑吏部折尚書省牌擲火中禳之乃息
宋高宗建炎元年南京留守朱勝非夜防城見南

門外火光燭地掘之得銅印有文曰朱勝私印火
鑠金所畏也後拜相有明受之變作卒敗
建炎三年吉州修城役夫得髑髏棄水中俄浮一
鐘有銘五十六字大略云唐興元年吾子歿埋廬
陵西壘後當火德五九之際世衰道敗浙梁相繼
喪亂章貢康昌之日吾亦復出是邦東平鳩工復
使吾子同河伯聽命水官郡守命錄其辭錄畢而
鐘自碎
建炎三年四月鼎州桃元洞大水巨石隨

有文曰無爲大道天知人情無爲窈冥神見人形
心言意語鬼聞人聲犯禁滿盈地收人魂亦石恠
也
高宗紹興二年宣州有鐵佛像坐高丈餘自動迭
前迭卻若偃而就人者數日旣而郡有火火氣盛
金失其性而爲變恠也七月天雨錢或從石甃中
涌出有輪郭內外不分明穿之碎若沙土二月溫
州戒福寺銅佛像頂珠自動光彩激射經日不少
停數日火作寺焚

紹興二十六年郟縣地出銅馬高三尺制作精好
風雨夜嘶

紹興三十二年建昌軍新城縣有巨室篋中時有
火光燔衣帛過半而篋不焚近火蘖也

宋孝宗淳熙八年五月壬辰嚴州大水漂浸民居
萬九千五百四十餘家壘舍六百八十餘區紹興
府大水五縣漂浸民居八萬三千餘家田稼盡腐
淳熙九年春德興縣民家鏡自飛舞與日光相射
淳熙十三年行都民家有血自地中染汗人衣

宋寧宗慶元二年正月太寧縣耕夫得鏡厚三寸
徑尺有二寸照見水底與目爭耀病熱者對之心
骨生寒後爲雷震而碎

慶元二年十二月吳縣金鵝鄉銅錢百萬自飛
宋度宗咸淳九年江南平地產白毛臨安尤多
金衛紹王大安元年徐沛界黃河清五百餘里幾
二年以其事詔中外臨洮人楊珪上書曰河性本
濁而今反清是水失其性也正猶天動地靜使當
動者靜當靜者動則如之何其爲災異明矣傳曰

黃河清聖人生假使聖人生恐不在今日又曰黃
河清諸侯爲天子正當戒懼以消災變而復誇示
四方臣所未喻宰相以爲妖言議誅之慮絕言路
卽詔大興府鎖還本管

大安二年十一月京師民周脩武宅前渠內火出
高二尺焚其板橋又旬日大悲閣幡竿石隙中火
出高二三尺人近之卽滅凡十餘日自是都城連
夜燔熱二三十處

金宣宗貞祐二年冬黃河自陝州界至衛州八柳

年癸卯車馬
卷之六十一
三十一
樹清十餘日纖鱗皆見

金哀宗正大三年三月乙丑有火自吏部中出大如斛流行展轉人皆驚避踰時而滅

正大七年十二月新衛州北三里許有影在沙上如舊衛州城狀塔寺宛然數日乃滅

元世祖至元十四年九月湖州長興縣金沙泉自唐宋以來用以造茶其泉不常有忽瀼然湧出漑田可數百頃有司以聞錫名瑞應泉

至元十五年十二月河水清自孟津東栢谷至汜

水縣蓼子谷上下八千餘里澄瑩見底數月殆如故

元成宗元貞元年閏四月蘭州上下三百餘里河

清三日

成宗大德五年七月江水暴風大溢高四五尺連崇明通泰真州定江之地漂沒廬舍被災者三萬四千八百餘戶

元太定帝致和元年三月鹽官州海隄崩遣使禱祀造浮圖二百十六用西僧法厭之

元文宗至順元年閏七月平江嘉興湖州松江三路一州大水壞民田三萬六千六百餘頃被災者四十萬五千五百餘戶

至順二年十月吳江州太湖水溢漂民居一千九百七十餘家

元順帝仍改至元五年五月汀州路長汀縣大水平地深三丈許損民居八百家壞民田二百頃溺死者八千餘人

順帝至正元年四月乙未杭州火燔官舍民居公

廨寺觀凡一萬五千七百餘間死者七十有四人

至正二十一年十一月河南孟縣至絳州垣曲縣二百里河清七日新安縣亦如之十二月冀寧路石州河水清至明年春冰泮始如故

至正二十三年正月乙卯夜廣西貴州火同知州事韓帖木不花判官高萬章及家人九口俱死焉居民死者三百餘人五十頭馬九匹公署倉庫案牘焚消皆盡

至正二十八年六月甲寅大都大聖壽萬安寺災

管窺輯要 卷之六十六 三
是日未時雷雨中有火自空而下其殿齋東鰲魚
口火燄出佛身上亦火起帝聞之泣下亟命百官
救護惟世祖裕宗東西二影堂神主及寶玩器物
得免餘皆焚燬

楊子雲曰聲生於日律生於辰聲以情質律以和
聲聲律相協而八音生宮商角徵羽謂之五聲金
石匏革絲竹土木謂之八音聲和音諧是謂五樂
夫陰陽和則景至律氣應則灰除是故天子常以
冬夏至日御前殿合八能之士陳八音之聽樂均

度晷景候鍾律權土灰效陰陽冬至陽氣應則灰
除是故樂均情景長極黃鍾通土灰輕而衡仰夏
至陰氣應則樂均濁景短極蕤賓通土灰重而衡
低進退於先後五日之中八能各以候狀聞太史
令封上效則和否則占

元仰儀

仰儀之製以銅爲之形若釜置於甌臺內畫周天
度列十二辰位蓋俯視驗天者也其銘辭云不可
解形莫天大也無競維人仰釜載也六載爲深廣

自信也兼深廣倍潔釜兌也環鑿爲治準以漑也
辨方正位曰子卦也衡縮度中平斜再再也斜起
東南極平釜鑿也小大必周入地量也始周浸斷
浸極外也極入地深四十太也北九十一赤道斷
也列刻五十六時配也衡竿加卦巽坤內也以負
縮竿木午對也首旋璣板窾納芥也上下懸直與
鑿會也視日透光何度在也暘谷朝賓夕餞昧也
寒暑發歛驗進退也薄蝕起自鑿生生殺也以避
赫曦爭日害也南北之偏亦可槩也極淺十五林

邑界也黃道夏高人所載也夏永冬短猶少差也
深五十竒鐵勒塞也黃道浸平冬晝晦也夏則不
沒永短窳也安暉宣夏昕窮蓋也六天之數言殊
話也一儀一撥孰善悖也以指爲告毋煩喙也闇
資以明疑者沛也智者是之膠者恠也古今巧曆
不億輩也非讓不爲思不逮也將窺大朕造化愛
也其有俊明昭聖代也太山礪乎河如帶也黃金
不磨悠久賴也鬼神禁勿銘壞也

元大明殿燈漏

燈漏之制高丈有七尺架以金為之其曲梁之上
 中設雲珠左日右月雲珠之下復懸一珠梁之兩
 端飾以龍首張吻轉目可以審平水之緩急中梁
 之上有戲珠龍二隨珠俛仰又可察準水之均調
 凡此皆非徒設也燈毬什以金寶為之內外四層
 上環布四神旋當日月星辰之所在左轉日一週
 次為龍虎烏龜之象各居其方依刻跳躍鏡鳴以
 應於內又次週分百刻上列十二神各執時牌至
 其時四門通報又一人當門內當以手指其刻數

下四隅鐘鼓鈺鏡各一人一刻鳴鐘二刻鼓三鈺
 四鏡初正如其是機發隱於櫃中以水激之



管窺輯要卷之六十六終

